



## PARTIDO LIBERTAÇÃO POPULAR (PLP)

Rua Metiaut, Dili, Timor-Leste

---

### MANIFESTU POLÍTIKU

## PARTIDU LIBERTASAUN POPULÁR (PLP) NIAN

Ita iha mehi ida ne'ebé hatudu dalan mai ita iha moris tomak: *liberta Pátria no halo Timor-Leste sai País ida ne'ebé Forte, Riku no Seguru.*

Durante ha'u nia mandatu tinan lima hanesan Prezidente Repúblika (2012-2017) ha'u moris besik Timoroan sira nia moris loro-loron nian hosi suku 442 iha territóriu nasional tomak no ha'u haré katak sira sei moris iha kondisaun ne'ebé kiak, maske iha promesa tuir-tuir malu atu hetan moris ida ne'ebé di'ak liu. Ita oras ne'e tama iha momentu ida ne'ebé krítiku ba ita nia Istória, ne'ebé desizaun sira mak ita foti oras ne'e sei iha impaktu ba ita no ba jerasaun sira tuir mai.

Buat ida mak lejítimu atu hamosu pergunta: ba sira ne'ebé luta iha tinan 24 nia laran ba independénsia no mós tinan 15 ba dezenvolvimentu, tempu hira tan mak ita sei tenke luta atu hetan moris di'ak?

Please contact:

For general Inquiries | Ba informasaun geral: [info@plp.org.tl](mailto:info@plp.org.tl)

For media related | Ba asuntu media [Media@plp.org.tl](mailto:Media@plp.org.tl)

The Spokesperson | Portavos : [Fidelis.Magalhaes@plp.org.tl](mailto:Fidelis.Magalhaes@plp.org.tl)

Momentu mak oras ne'e no oras ne'e kedes ona! Ita labele hein tan ona!

Situasaun ne'e susar, laiha ema ida mak dehan oin seluk. Maibé, laiha buat ida mak imposível, se ita serbisu hamutuk no tane malu. Timor-Leste hasoru problema sira ne'ebé kompleksu, ne'ebé sei labele iha solusaun imediata ida, sein iha envolvimentu ativu hosi ita nia sidadaun sira—nu'udar na'in lolós ba destinu País ida ne'e nian—iha prosesu dezenvolvimentu. Ho de'it sidadaun sira ne'ebé empeñadu no responsável mak ita sei iha dezenvolvimentu ida ne'ebé lolós no País ida ne'ebé pertense ba Povu. Ita nia vizaun ne'e klaru, nune'e mós ita nia ambisaun ne'e klaru: *liberta Pátria no halo Timor-Leste sai País ida ne'ebé Forte, Riku no Seguru.*

Timoroan sira iha hakarak atu halo mudansa. Ba sira mak ita tau ita nia fiar.

## Vizaun

### **Liña Boot sira ba Orientasaun Jerál iha Tempu Naruk**

Ita nia vizaun ne'e simples: *liberta Pátria no halo Timor-Leste sai País ida ne'ebé Forte, Riku no Seguru.* Atu konkretiza Vizaun ida ne'e, se karik ita hetan konfiansa atu ukun, ita sei konsentra, iha tinan lima tuir mai, iha área boot lima ne'ebé tuir mai sei temi, ne'ebé sei sai permanente no tenke kontinua nafatin sai atensaun ba governu oin-oin ne'ebé sei mai tuir:

Please contact:

For general Inquiries | Ba informasaun geral: [info@plp.org.tl](mailto:info@plp.org.tl)

For media related | Ba asuntu media [Media@plp.org.tl](mailto:Media@plp.org.tl)

The Spokesperson | Portavos : [Fidelis.Magalhaes@plp.org.tl](mailto:Fidelis.Magalhaes@plp.org.tl)

- 1. Reforsa Independénsia Nasional** – liu hosi promosaun sistema ekonómiku ida ne’ebé viavél, koerente no sustentável, nune’e mós liu hosi konsolidasaun Identidade Nasional.
- 2. Defeza ba Integridade Territoriál no Soberania Nasional** – –liu hosi hadi’a, entre outrus, iha nível sistema defeza no seguransa, konsiencializaun pública no diplomasia.
- 3. Konstrusaun Sistema Ekonómiku ida ne’ebé Koerente no Sustentável** – esensialmente liu hosi kualifikasaun ba ita nia rekursu umanu, konsolidasaun setór privadu nasional atu sai interveniente liu tán, utilizasaun rasionál ba rekursu umanu, kombate ba dependénsia esterna no kriasaun setór ekonomia ne’ebé forte liu tán.
- 4. Konsolidasaun Unidade, Koezaun Sosiál no Demokrasia** – liu hosi rekoñesimentu ba sidadaun sira nia direitu fundamental sira, fó resposta ba nesesidade bázika sira no reforsu ba toleránsia.
- 5. Integrashaun Rejonál no Internasional** – liu hosi partisipasaun ida ne’ebé ativa liu tán iha organizasaun sira ne’ebé Timor-Leste pertense ba, liu-liu iha ONU no CPLP, nune’e mós promosaun ba esforsu sira hotu atu tama ba ASEAN, konsolidasaun relasaun ho país sira hotu iha rejiaun ne’e no parte seluk mundu nian, kumpri konvensaun sira hotu, paktu no memorandu entendimentu sira ne’ebé ratifika no asina tiha ona hosi Timor-Leste, kooperasaun ativa ho orgaun Estadu sira hotu iha akordu sira iha futuru, no preparasaun Timor-Leste nian atu tama ba iha Commonwealth.

Please contact:

For general Inquiries | Ba informasaun geral: [info@plp.org.tl](mailto:info@plp.org.tl)

For media related | Ba asuntu media [Media@plp.org.tl](mailto:Media@plp.org.tl)

The Spokesperson | Portavos : [Fidelis.Magalhaes@plp.org.tl](mailto:Fidelis.Magalhaes@plp.org.tl)

## **Liña Boot sira ba Orientasaun Espesífika iha Tempu Médiu**

- 1. Modelu Sivilizasaun** —liu hosi armonizasaun entre ita nia kultura tradisionál aziática no eransa kulturál europeia (Kristianizmu no Lian Portugés).
- 2. Modelu Governasaun** - liu hosi Governasaun ida ne'ebé Integrada, atu edifika, dezenvolve no prezerva solusaun sira ho parseria hamutuk ho sosiedade civil, liu-liu benefisiáriu sira no entidade interesadu sira iha setór oin-oin atividade nian.  
**GOVERNU INTEGRADU IDA NE'EBÉ MOOS, ONESTU NO EFICIENTE!**
- 3. Modelu Dezenvolvimentu** —liu hosi modelu dezenvolvimentu ekonómiku ida ne'ebé integradu no sustentável, ne'ebé permiti atu prodús liu tán no fahe di'ak liu tán rekursu sira ba Timoroan sira hotu nia benefísiu.
- 4. Tranzisaun Jerationál** – liu hosi valorizasaun rekursu umanu; promosaun kultura ida responsabilidade nian, fó prémiu ba sira ne'ebé iha mérito no facilita Timor-Leste nia oan sira ne'ebé di'ak liu hotu atu hetan igualdade ba oportunidade, hodi bele koko sira nia kapasidade iha mundu ida ne'ebé sai globalizadu no inter-ligadu liu tán. Prepara líder sira iha loron ohin ba loron aban nian!

## **PROGRAMA ELEITORÁL NO GOVERNASAUN**

Área tolu urjente ne'ebé presiza atu tau iha konsiderasaun:

### **1. Identidade**

Please contact:

For general Inquiries | Ba informasaun geral: [info@plp.org.tl](mailto:info@plp.org.tl)

For media related | Ba asuntu media [Media@plp.org.tl](mailto:Media@plp.org.tl)

The Spokesperson | Portavos : [Fidelis.Magalhaes@plp.org.tl](mailto:Fidelis.Magalhaes@plp.org.tl)

- a) Halibur mate ruin hosi eroi sira ne'ebé husik hela liu tinan 17 nia laran no fo omenajen ba sira.
- b) Rekonstrusaun ba *uma lulik*, kapela sira no integra iha planu promosaun turística.
- c) Valorizasaun ba *lia na'in* sira nia knaar, hodi rekupera sira nia knaar iha justisa tradisionál tanba prevene konflitu.
- d) Salva memória Moradór sira nian hanesan ezérsitu tradisionál ba dahuluk nudar orijen ba ita nia Força Armada Moderna.
- e) Valorizasaun ba feto sira nia traje no ornamento (*mortén no manu-fulun*) no feto sira nia instrumentu perkusaun tradisionál sira (*babadok* no *dadir*)
- f) Valorizasaun ba mane sira nia traje no ornamento sira, hanesan *belak* no *kaibauk*.
- g) Valorizasaun ba ita nia rituál tradisionál sira, ourivesaria no produsaun hena sira.

Ho lia fuan badak: ita nia identidade, ita nia história no kultura ne'e iha valór ekonómiku ne'ebé boot no bele fomenta atu hamosu indústria ki'ik sira.

## 2. Integrashaun

- a. **Veteranu no Antigu Kombatente sira** – ninia integrashaun sosiál sei bele sai potensiál, se ita hatene atu aproveita esperiênsia sira iha lideransa, organizasaun no mobilizasaun komunidade ba atividade produtiva sira (kooperativa, asosiasaun no seluk-seluk tan), liu-liu iha organizaun sira foin sa'e nian. Ba ida ne'e, presiza atu halo revizaun ba Estatutu Kombatente Libertasaun Nasionál nian, hodi transforma

Please contact:

For general Inquiries | Ba informasaun geral: [info@plp.org.tl](mailto:info@plp.org.tl)

For media related | Ba asuntu media [Media@plp.org.tl](mailto:Media@plp.org.tl)

The Spokesperson | Portavos : [Fidelis.Magalhaes@plp.org.tl](mailto:Fidelis.Magalhaes@plp.org.tl)

sistema pensaun atuál sira ba oportunidade atu hala'o ekonomia.

b. **Juventude** —Joven ida-idak tenke iha misaun ida iha moris.

Sira tenke hetan orientasaun atu iha objetivu sira ne'ebé konkretiza sira nia mehi. Nune'e, iha aspetu esensiál lima atu garante katak joven sira ohin loron nian sei sai ema responsável iha loron aban, hanesan: formasaun superiór no formasaun tékniku-profisionál, servisu síviku, servisu militár obrigatóriu, insersaun iha merkadu servisu, formasaun síviku-patriótika, brigada sira atu kombate hamlaha no desnutrisaun, degradasaun meiu-ambiente, analfabetismu no seluk-seluk tan.

c. **Traballadór no Agrikultór sira**—mak sira ne'ebé hala'o tiha ona sakrifísiu atu aumenta ekonomia familiár. Presiza atu iha mikrokréditu hodi prodús ho maneira rentável. Presiza mós atu iha orientasaun no formasaun atu koñese métodu sira ne'ebé di'ak liu no práтика sira ne'ebé rentável liu tán iha merkadu. Sai solidáriu liu tán ho sira no apoia sira. Agrikultura familiár de'it okupa ona área rurál pursentu 80. Agrikultura la'os kiak; maibé hun ida rikusoin nian!

d. **Jéneru** – Igualdade direitu entre feto no mane ne'ebé bazeia ba méritu no ba iha kompeténsia. Valorizasaun ba feto nia knaar iha País nia dezenvolvimentu ekonómiku.

### 3. **Governasaun Integrada**

Governasaun Integrada bazeia ba kooperasaun, partisipasaun no lideransa kolaborativa, la'ós de'it ba departamentu governamentál sira, maibé mós ba instituisaun sira seluk (privadu no voluntáriu sira) hodi fó resposta ho forma ida

Please contact:

For general Inquiries | Ba informasaun geral: [info@plp.org.tl](mailto:info@plp.org.tl)

For media related | Ba asuntu media [Media@plp.org.tl](mailto:Media@plp.org.tl)

The Spokesperson | Portavos : [Fidelis.Magalhaes@plp.org.tl](mailto:Fidelis.Magalhaes@plp.org.tl)

ne'ebé efisiente no efikás ba problema sosiál sira ne'ebé Povu hasoru loro-loron, kombate morozidade, desperdísiu, burokratizasaun no seluk-seluk tan. Implementa sistema komunikasaun ida ne'ebé fasilita kontaktu entre administrasaun no benefisiáriu sira, bele monitoriza implementasaun programa sira no avalia nia rezultadu.

Ho nune'e de'it maka ita bele dezenvolve objetivu nasionál boot sira; ho nune'e de'it maka ita bele iha País ida ne'ebé pertense lolós ba Povu.

Oras to'o ona atu implementa sistema ida ho desizaun, asaun no rezultadu! GOVERNASAUN INTEGRADA IDA NE'EBÉ MOOS, ONESTU NO EFISIENTE!

Please contact:

For general Inquiries | Ba informasaun geral: [info@plp.org.tl](mailto:info@plp.org.tl)

For media related | Ba asuntu media [Media@plp.org.tl](mailto:Media@plp.org.tl)

The Spokesperson | Portavos : [Fidelis.Magalhaes@plp.org.tl](mailto:Fidelis.Magalhaes@plp.org.tl)

# **PROGRAMASAUN**

## **I. Moris di'ak**

- a) Agrupa área abitasaun no ordenamentu territóriu ba zona urbana no rurál sira. Dezenvolvimentu planu estratéjiku ida ba abitasaun.
- b) Bee Moos no Saneamentu Báziku – disponibilizasaun atu iha apoiu liu tán ba bee moos no saneamentu báziku. Hemu bee moos no iha saneamentu báziku ida ne'ebé dignu, sai nu'udar sidadaun sira nia direitu ida. Ita labele kontinua atu moris sein iha sistema tratamentu ida ba bee reziduál sira. Falta saneamentu koloka risku ba sustentabilidade bee nian no ba saúde pública!
- c) Alimentasaun no Nutrisaun – garante alimentasaun no nutrisaun ida ne'ebé adekuadu ba Timoroan sira hotu. Promosaun ba kombate nutrisaun la di'ak ba labarik sira no aumentu ba nível nutrisaun inan sira nian.
- d) Eletrisidade —pursentu 80 hosi populasaun iha asesu ba eletrisidade, maibé seidauk komprende sira nia responsabilidade atu uza ho kuidadu; Fó atensaun ba ita nia emprezáriu sira nia nesesidade, ne'ebé presiza fonte enerjia ida ne'ebé la ezije folin boot ka karun. Diversifika fonte enerjia sira.
- e) Edukasaun – sistema edukativu ida ne'ebé favorese ba País nia dezenvolvientu (ensinu sekundáriu, ensinu tékniku-profisionál no universitáriu); ekuidade iha distribuisaun bolsa estudu; jestaun eskolár eficiente atu hadi'a kualidade ensinu; insentivu formasaun ba kuadru médiu no superior

Please contact:

For general Inquiries | Ba informasaun geral: [info@plp.org.tl](mailto:info@plp.org.tl)

For media related | Ba asuntu media [Media@plp.org.tl](mailto:Media@plp.org.tl)

The Spokesperson | Portavos : [Fidelis.Magalhaes@plp.org.tl](mailto:Fidelis.Magalhaes@plp.org.tl)

sira ne'ebé kualifikadu hodi kompete iha merkadu internu no rejionál. Iha tempu Rezisténsia, soldadu ida-idak iha nia kilat. Iha tempu dezenvolvimentu, estudante ida-idak iha nia livru!

- f) Saúde —tinan-tinan gasta barak iha saúde, maibé sidadaun sira dok lós atu hetan saúde di'ak. Zona urbana no rurál sira bele sai saudável no atrativu liu tán, se sidadaun sira hetan insentivu atu moris iha estilu moris ida ne'ebé saudável. Promosaun ba meius sira atu hala'o prevensaun, tratamentu no kura ba moras sira iha zona rurál no urbana sira. Planeamentu no lideransa iha akizisaun ba teknolojia di'ak liu hotu iha área saúde. Reforma política jestau medikamentu nian.
- g) Seguransa Sosiál - seguransa sosiál ne'ebé eficiente, transparente no besik atu hadi'a protesaun sosiál, hodi asegura sidadaun sira nia direitu báziku no hetan oportunidade hanesan. Ita labele simu abandonu ba ita nia sidadaun sira, portadór defisiénsia sira, liu-liu sira ne'ebé vulnerável (idozu, isin rua, no inan solteira sira). Ba ema vulnerável ida-idak, iha planu moris ida!

**II. Setór Produtivu** - diversifikasiun ekonomia País nian; dezenvolvimentu setór produtivu (primáriu, sekundáriu no tersiáriu); revitalizasaun merkadu servisu; formasaun rekursu umanu; estabelesimentu mekanizmu komersializasaun no konservasaun sustentável; dezenvolvimentu turizmu; orientasaun produsaun produtu orgániku sira hodi iha finalidade atu halo esportasaun, tanba falta ekonomia eskala iha País laran.

Please contact:

For general Inquiries | Ba informasaun geral: [info@plp.org.tl](mailto:info@plp.org.tl)

For media related | Ba asuntu media [Media@plp.org.tl](mailto:Media@plp.org.tl)

The Spokesperson | Portavos : [Fidelis.Magalhaes@plp.org.tl](mailto:Fidelis.Magalhaes@plp.org.tl)

**III. Konetividade** —sistema transporte estrada no ponte sira, nune'e mós aeroporto no transporte marítimu sira, ne'ebé possilita ita nia deslokasaun iha territóriu nasional no liga ita ho mundu. Maibé, infra-estrutura sira ne'e labele planeia de'it ba ita nia repouzu. Tenke iha atensaun ba prioridade ekonómika sira País nian no rentabilidade ba investimentu sira. Inkluzau ba teknolojia infomasaun ho informática, rede komputadór sira, Internet no seluk-seluk tan.

**IV. Ekonomia no Finansa Pública** - garante dezenvolvimentu ekonómiku ida ne'ebé integradu no sustentavel, menus dependente ba Fundu Mina-rai; garante igualdade atu hetan oportunidade; halibur liu tán liu hosi diversifikasiasaun fonte reseita sira; jere ho lolós, hodi evita gasta osan arbitru de'it; investe liu tán iha setór estratéjiku no fundamentál sira ho retornu iha tempu badak, médiu no naruk; aumenta investimentu iha infra-estrutura rurál sira, iha investigasaun no estensaun ba servisu agrícola sira; hasa'e produtividate ekonomia liu hosi diversifikasiasaun no modernizasaun teknolójika (espesialmente ba setór sira ho valór agregadu no utilizasaun servisu-ho-liman nian ne'ebé intensivu); kapasita instituisaun finanseira nasional sira hodi insentiva asesu boot liu tán ba servisu bankáriu no finanseiru sira nian ba ema hotu.

**V. Defeza Nasional, Seguransa no Relasaun Esterne—**  
Defeza Nasional: aposte ba iha rekursu umanu ne'ebé kualifikadu liu tán; konsolidasaun ba modelu

Please contact:

For general Inquiries | Ba informasaun geral: [info@plp.org.tl](mailto:info@plp.org.tl)

For media related | Ba asuntu media [Media@plp.org.tl](mailto:Media@plp.org.tl)

The Spokesperson | Portavos : [Fidelis.Magalhaes@plp.org.tl](mailto:Fidelis.Magalhaes@plp.org.tl)

profisionalizasaun F-FDTL, PNTL nian no instituisaun sira seluk ne'ebé iha ligasaun ba malu; valorizasaun ba projeto kooperasaun tékniku-militár, liu-liu ho rai sira ne'ebé tama iha área rejionál sira ho interesse estratégiku ba Timor-Leste; konsolidadasaun sistema integradu ba Defeza no Seguransa; adosaun prinsípiu komplementaridade, kooperasaun no subsidiarieade. Seguransa: reforsu sentimentu seguransa ba sidadaun sira; reforsu seguransa ba Munisípiu sira no Rejiaun Administrativa Oe-cusse Ambeno, prevensaun no represaun ba kriminalidade, liu hosi medida lejizlativa no operacionál sira; seguransa komunitária no polisiamentu proximidade. Relasaun Esterna: promosaun ba Timor-Leste nia partisipasaun ativa iha sentru sira foti desizaun nian, tantu iha nível bilaterál, no mós iha nível multilaterál ho benefísiu mútuo.

## VI – Justisa, Direitus Umanus no Demokrasia

Justisa: promosaun ba justisa ida ne'ebé simples liu tán no sein iha burokrasia desnesesáriu ne'ebé benefisia ba ema hotu, espesialmente ba sira ne'ebé desfavoresidu sira; hala'o desizaun judisiál ne'ebé lalais no hadi'a kualidade desizaun judisiál. Direitus Umanus: liu hosi defeza ba ita ema nia dignidade; protesaun ba sidadaun indefezu sira; konstrusaun sosiedade ida ne'ebé harí iha respeitu ba Timoroan ida-idak nia direitu fundamentál sira. Demokrasia: liu hosi aperfeisoamentu ba demokrasia ne'ebé implika reforma ba instituisaun sira, sidadaun sira nia partisipasaun demokrátika, toleránsia iha aseitasaun,

Please contact:

For general Inquiries | Ba informasaun geral: [info@plp.org.tl](mailto:info@plp.org.tl)

For media related | Ba asuntu media [Media@plp.org.tl](mailto:Media@plp.org.tl)

The Spokesperson | Portavos : [Fidelis.Magalhaes@plp.org.tl](mailto:Fidelis.Magalhaes@plp.org.tl)

respeitu no konsiderasaun ba diferensa, vivénsia ba valór no prinsípiu sira Estadu direitu nian.

## **VII – Pólu Dezenvolvimentu sira**

Dezafiu sira atu kria Pólu Dezenvolvimentu ida ne’ebé integradu, ekilibradu no sustentável ne’e sai nu’udar oportunidade ida ne’ebé estraordinária ba Timor-Leste, hodi garante distribuisaun ida ne’ebé justu ba rekursu nasionál sira. Pólu Dezenvolvimentu nén mak tuir mai ne’e:  
Primeiru Pólu-Lospalos

Segundu Pólu-Baucau no Viqueque

Terseiru Pólu-Manatuto (área sentrál)

Kuartu Pólu-Suai, Maliana, Same, Ainaro, Aileu no Ermera

Kintu Pólu-Díli, Liquiça no Ataúro

Sestu Polu-Oe-cusse Ambeno

Kada pólu hosi Pólu Dezenvolvimentu nén ne’e funsiona hanesan kampu ida ho kbiit ne’ebé provoka transformasaun estruturál signifikativa, habelar produsaun no kria servisu ba sidadaun sira nia moris di’ak.

**Vota ba PLP katak vota ba mudansa!**

**Labele lakon tempu!**

Please contact:

For general Inquiries | Ba informasaun geral: [info@plp.org.tl](mailto:info@plp.org.tl)

For media related | Ba asuntu media [Media@plp.org.tl](mailto:Media@plp.org.tl)

The Spokesperson | Portavos : [Fidelis.Magalhaes@plp.org.tl](mailto:Fidelis.Magalhaes@plp.org.tl)